



# SOLWARA 1

## DETAILED FACTSHEET

### **Solwara 1 maining laisens em wanem samting?**

Ol i givim Solwara 1 laisens long 2011 i go long Nautilus Minerals lo mainim ol samting ol i kolim long metal sulfide deposits, ol dispela samting i bin kamapim insait long planti tausen yia i go pinis na ol i stap long ol hatpela wara. Nem bilong dispela wara em hydrothermal vents. Dispela projek long Bismarck Sea em i namba wan wok bilong DSM long graun, i nogat narapela ol kantri i bin kisim dispela kain laisens.

**Deep Sea Mining Finance** kisim Solwara 1 laisens bihain long **Nautilus** i go bankrupt long 2019.

### **Deep Sea Mining Finance em wanem samting?**

DSMF em wanpela kampani i wok hat tru lo mekim moni lo wok maining aninit lo solwara. Na ol i rejista wantain British Virgin Islands, em wanpela hap i gat nem olsem ples hait. British Virgin Islands i no save autim nem bilong ol man i holim ol kampani, na tu, ol i no save autim nem bilong ol kampani long ol man. Olsem na yumi no save husat tru i papa bilong DSMF o sapos kampani i gat mani bilong helpim wok bilong dispela projek. DSMF i bin kisim ol asset bilong Nautilus Minerals, na tu, dispela solwara 1 mining laisens, long taim bilong Nautilus bankruptcy.

**Yumi no save gut lo wok bilong dispela kampani na hamas moni ol gat.**

Na tu, i luk olsem dispela kampani i poroman wantaim ol man na kampani em gavman bilong Amerika i bin kotim ol long pasin giaman na pasin korapsen.



## **DSMF i tingim husat tru lo wok bilong ol ?**

Wok painimaut i soim olsem tupela bikpela shareholder bilong bankrupt Nautilus, ol i stap yet olsem ol shareholder bilong DSMF, ol dispela shareholder em nem bilong ol em, Omani conglomerate, MB Holdings, na wanpela Uzbek-born oligarch, nem bilong em Alisher Usmanov. Alisher Usmanov i gat wanpela kampani ol i kolim lo Metalloinvest, we Amerika i no laikim.

## **Nautilus i bin giaman long mani em i bin kisim long laspela taim na em i lusim PNG wantaim dinau mak long K\$475 milion (US\$125 milion)**

Bilong wanem Gavman i ting ol dispela lain bai wokim gut wok wantaim stret pela pasin na tu pinisim wok lo taim? Ol dispela lain i gat bel na tingting lo yumi ol ol manmeri i stap long nambis na ol ailan long Bismarck solwara tu o nogat? Ol i tingim ol kastom na pasin tumbuna bilong yumi tu o nogat?

Narapela kampani, Magellan, i pas gut wantaim DSMF, na sapos yu skelim gut dispela web-sait bilong Magellan, ba yu luksave olsem ol bikman na ol saveman i no bin wok long dispela kampani long yia i go pinis, na sampela bilong ol i bin wok inap sampela mun tasol.

Olsem wanem? Magellan i gat hamas save long ol samting bilong gavman na wok maining? Maski i gat ol dispela askim, dairekta bilong Magellan na wanpela mausman bilong Alisher Usmanov, ol i bin bungim **Sir Julius Chan** na ol i toktok long Solwara 1

**Yu ting PNG i mas wok bisnis wantaim ol kain man olsem?**

## **Wanem ol save i stap long kontrak namel long Gavman na DSMF?**

Olgeta lain i bin kirap nogut taim ol i bin givim Solwara 1 laisens bilong Nautilus long DSMF, na gavman i bin wok tu insait long dispela projek. **Alliance of Solwara Warriors** i tokaut long dispela ol samting lo 2023.

Ol pipol bilong Papua New Guinea i no save long wanem kain wok poroman i stap namel long Gavman na DSMF na wanem samting bai kamap sapos **DSMF tu i go bankrupt**.

## **DSMF i ting Gavman bai givim hamas mani long dispela wok?**

Gavman i holim yet **15 pesen** bilong ol mani em i bin holim insait long dispela (bankrupt) projek, tasol em i no bin givim toksave long ol pipol bilong em long wanem ol mani moa em bai **givim long Solwara 1**.

**Yumi i bin kisim bikpela dinau pinis lo pastaim, olsem na yumi i gat rait long save long hamas mani ol i bin tromoi long dispela wok bisnis we i gat bikpela hevi long en.**

## **Gavman i putim ol samting bilong lukautim dispela wok wantaim DSMF nogut ol i go bankrupt namba tu taim o nogat?**

Ol i no kamapim klia ol dispela samting, olsem na dispela askim i stap yet. Wanem ol samting ol i bin mekim bilong lukautim PNG long noken kisim mo bikpela dinau?

# **Yumi no save**

## **Gavman bilong PNG i mas tokaut klia long yumi olsem em i bin skelim gut dispela kampani o nogat?**

I no klia gut sapos PNG Gavman i pinisim o bai kamapim ol wok bilong skelim gut DSMF na bai yumi i ken bilip lo DSMF. Yumi i gat rait long save, Gavman i lukluk gut na skelim gut ol man na ol kampani we i gat pasin giaman na pasin korapsen.

Olsem, Hetman bilong DSMF, Mr. Jordinson, em i kisim tupela yia kalabus long pasin bilong insider treading long 2014 (source: Investor Daily).

Na tu, dispela Monex Group i save wok klostu wantaim Magellan, Federal Kot bilong Amerika i bin tokim ol long baim 38 milion dola bilong pasin giaman bilong baim ol kago na pasin bilong brukim lo bilong rejestaim ol samting (source: CFTC).

## **Bilong wanem na yumi tingting planti lo DSMF i rejesta aninit long British Virgin Islands?**

Ol British Virgin Islands i save lukautim na haitim ol samting bilong ol kampani na ol i no save tokaut long ol samting ol narapela gavman i laik bai ol i mas mekim. Dispela lo i lukautim ol kampani na bai ol man i no inap skelim ol sapos ol i gat hevi long kot, abrusim pe bilong takis, o ol i gat hevi long mani bilong ol.

## **Bilong wanem ol man i tingting planti olsem DSMF igat mani na em bai kamapim wok bilong Solwara 1?**

Na tu, yumi i no save long ol mani samting bilong DSMF, na i no gat wanpela samting i soim olsem dispela kampani inap bungim mani bilong wokim Solwara 1 projek. Dispela i nidim bikpela mani, na planti man i no laik tru long ol i givim mani bilong mekim wok maining aninit lo solwara, em ol narapela kantri i save tingim olsem ol dispela

hap i gat planti kain kain animal na diwai samting bilong solawara.

Na tu, i no gat wanpela samting i soim olsem ol nupela teknoloji bai helpim DSMF long kisim bikpela winmani winim Nautilus. Ol man bilong putim mani ol i no laik putim mani long wanpela projek i bin pundaun pinis sapos ol i no gat save olsem ol i gat ol nupela teknoloji na ol i save lukautim gut ol samting bilong mani na ol samting bilong graun.

## **Wanem ol hevi bilong Nautilus Minerals i bin painim DSMF na Solwara 1 projek?**

DSMF i kisim solwara 1 laisens long Nautilus, na tu, ol i tingting planti long ol samting i kamap long ol samting bilong graun na ol samting bilong sindaun bilong ol man. Ol man i skelim gut ol samting i kamap long Solwara 1 na ol i luksave olsem i gat sampela samting i no stret long en. Ol lain i stap long nambis i tok ol i no bilip long dispela laisens bilong Solwara 1, na ol i sutim tok long gavman long kot bilong kisim ol bikpela pepa. Dispela bai soim olsem ol i bin bihainim stretpela pasin long givim ol tok orait bilong projek na ol i bin skelim ol hevi bilong en long sait bilong sindaun bilong ol man, helt bilong ol man, na mani. Dispela kot bai kamap long nesenel kot bilong PNG.

